

Projet : Ausflug bei d'Steebrech zu Stengefort - C2

Informationen fir d'Léierpersoun

Kuerzbeschreiwung vun der Aktivitéit:

Aktivitéit fir de Cycle 2

Eng Geschicht mat zwee Personnagen (d'Gréitche an de Péitche) begleet d'Klass iwwer verschidde Statiounen (Schoul, Villa Collart, Schmelz, Schlakentipp, Schinnen Atertlinn,...) bis bei déi ehemoleg Steekaulen ënnerhalb vum Schwaarzenhaff.

Ënnerwee si verschidden Aktivitéite mat der Klass virgesinn: Froe beäntweren, ee Gruppenspiel, en Orientéierungspill a Material sammelen fir eng Bastelaktivitéit, Bastelen an Fotoen maachen.

Fichieren zu dëser Aktivitéit:

- 1 - Informationen fir d'Léierpersoun
- 2 - Geschicht „D'Gréitche an de Péitche bei de Kollerten“
- 3 - Historesch Informationen Stengefort
- 4 - Geschicht „D'Gréitche an de Péitche bei de Kollerten“ fir auszedeelen

Dauer vun der Aktivitéit:

Ca. 3-4 Stonnen

Ziler:

D'Zil vun der Aktivitéit ass et der Klass déi verschidden historesch Plazen a Gebaier (Villa Collart, d'Schmelz, Atertlinn, Steekaulen) vu Stengefort méi no ze bréngen. Si léieren iwwer d'Geschicht d'Funktoun vun der Gebaier an hir historesch Bedeitung kennen. Dëst op eng einfach a spilleresch Manéier, déi dem Alter vu 6-8 Joer ugepasst ass.

Methoden:

Eng Klassenaktivitéit bei där d'Schüler duerch gemeinsaamt Entdecken an den Dialog mat der Léierpersoun Wëssen erschaffen.

Eng einfach Bastelaktivitéit verbënnt d'Informationen déi d'Schüler ënnerwee kréie mat enger materieller Erënnerungshëllef.

Verankerung am Léierplang a Kompetenzen:

Projet : Ausfluch bei d'Steebrech zu Stengefort - C2

Informationen fir d'Léierpersoun

- Lëtzebuergesch
- Eveil aux sciences
- L'expression créatrice

Denkt drun!

Dat ganz Gebitt vum Schwaarzenhaff ass ee grousst Naturschutz- an een Natura 2000 Habitat Schutzgebitt.

Et ass net erlaabt Planzen oder Blummen ze plécken oder ofzerappen.

Material:

Pro Kand:

- Stoffsak
- Stéck Stoff als Band fir d'Aen ze verbannen (béides ginn d'Kanner herno erëm of)
- Eng Schéier pro Grupp (Klass gëtt an Zweekgruppen opgedeelt)
- Schnouer z.B. aus Jute, net ze déck (pro Kand ee Stéck vu ca. 4 m)
- Woll a verschiddene Faarwen (pro Kand 4-6 Stécker a verschiddene Faarwen, ca. 60 cm – 1,20 cm laang – mëschen)
- Faarweg Bänner – verschidden Zorten (Pro Kand 3 Stécker a verschiddene Faarwen, ca. 25 cm laang)
(natierlech kann hei och anert Bastelmaterial verwennt ginn: Plommen, Pabeiersträifen, gedréchent Blummen, asw.)

Ënnerwee sammeln:

- Bengelen (pro Kand 4 Stéck vun ca. 30 cm Längt an 1-2 cm Déckt)
- Steng (3 pro Kand, kleng Steng, max. 3-4 cm laang, net ze glat Uewerfläch)
- Dréchen Naturmaterialien (dréchen Äscht, dréche Stécker vum Schilf, Plommen, dréche Blieder,...)

Zousätzlech mathuelen:

- 3 Illustratiounen
- Kaart Orientéierungsspill
- Kostümer Gréichen a Péitchen
- Handy oder Kamera
- Basteluleedung fir d'Naturbild

Projet : Ausfluch bei d'Steebrech zu Stengefort - C2

Informationen fir d'Léierpersoun

Bastelaktivitéit Naturmaterial Rumm an Wiewteppech

Fir d'Rumm vum Wiewteppech muss all Kand 4 Bengelen un den Ecker mam Jutefuedem zesummebannen. Dofir muss un all Eck de Fuedem verkräizt ronderëm déi zwee Bengele gewéckelt ginn - gutt festzéien! D'Rumm huet da ca. 25 x 25 cm.

Et kann een d'Rumm als Quadrat zesummesetzen, mee et sinn och aner Formen méiglech, z.B. Dräiecken.

Mam Rescht vum Fuedem gëtt elo d'Rumm wéi eng Wiewrumm bespaant. Festzéien, mee oppassen dass d'Béngelen net brechen.

Elo kennen d'Bänner, d'Wollfiedem an all di Naturmaterialien déi d'Kanner gesammelt hunn an d'Rumm agewieft ginn.

Dono mat engem Fuedem jeeweils d'Steng esou ëmweckelen dass een se kann ënnen un d'Rumm bannen.